

Historia di Aruba su Carnaval

ORANJESTAD - Carnaval ta bini di e palab-
ra Latin "Carne Vale",
locual kier men "Un ayó na
e carni".

Carnaval ta di orígen
masha antiguo. E ta un mez-
cla di celebracionnan di
masha hopi cultura cu tabata
existí for di tempo promé cu
e imperio Romano.

For di e tempo ey
hendenan tabatin carozu y
tabata disfrazá e.o. tambe na
Rey y Reina. Popchi di yerba
seco tambe tabata wordo
kimá.

Siglonan mas laat e paf-
nan católico tabata celebrá
carnaval den e periodo promé
cu Diarazon di shinishi cu ta
principio di cuaresma.

Aruba su carnaval

E colonizadó Cristian a
introducí carnaval na mundo
nobo.

Orígen di Aruba su
carnaval ta sali di un banda di
e carnaval Europeo y di
otrobanda di e hendenan di
Trinidad cu tabata celebrá
nan carnaval na nan manera.

Ya for di aña 1920 carna-
val tabata wordo celebrá
caba. Nan tabata saca nan
Reina y paradanan chiquito
tabata wordo organizá den
vecindario di e clubnan.

**Organizaci6n di
carnaval**

1954: Aruba Tivoli Club,
e grandinan na Aruba pa loke
ta carnaval, ta tuma e ini-
ciativa pa invita representante
di varios club social y otro
asociacionnan pa haci un
parada grandi na Oranjestad
y pa forma un comision pa
celebrá hunto carnaval (San
Nicolas promé cu 1954
tabatin su comision di
carnaval).

Sr. de Windt di Excelsoir
Brass Band a informá durante
e reunion aki cu San Nicolas
y cu varios club y grupo
tabata tene parada na San
Nicolas.

CCA (centrale Carnivals
Committee Aruba) a keda
formá e ora ey pa cultivá e
carnaval na Aruba.

Na 1955 CCA a trece tur
e gruponan chiquitonan di

carnaval hunto pa celebrá pa
di promé biaha carnaval.

Na 1964 a funda Stichting
Arubaanse Carnaval.

**Figuranan principal di
Carnaval**

Rey Momo; Reina di
Carnaval; Prins y Panchi;
King/Queen Calypso y
Roadmarch; Rei/Reina di
Tumba.

Rey Momo ta e rey of
spirito di carnaval cu ta
wordo representá dor di un
popchi disfrazá. Kimamento
di Momo ta tuma lugar
Diamars anochi 12'or. E ta
indicá fin di carnaval y co-
mienzo di cuaresma.

Reina: E custumber di
saca Reina di Carnaval tin su
raíz na New Orleans, unda
Reina tabata bisti blanco,
manera aki na Aruba tabata
haci antes te den añanan '70.

Prins di Carnaval: Esaki ta
un custumber Hulandes. Aru-
ba a adoptá e tradicion aki. E
prins ta esun cu ta gafa e
parada di carnaval cu

yudanza di su Pancho.


Pancho ta e asistente di e
Prins. E ta conta chasco,
compañá y asistí e Prins den
su funcion real.

Calypso King/Queen: A
introducí e contest aki na
Aruba na 1964. Calypsonan
componí y arreglá special-
mente pa e temporada di
carnaval ta drenta den com-
petencia cu otro. E ganador ta
carga e título di King of

Queen.

Roadmarch King/Queen:
Roadmarch ta un tipo di
calypso lihé. E roadmarch
ganadó ta e cancion principal
cu ta acompañá e carnaval. E
ganadó ta ricibí e título di sea
King of Queen.

Tumba a ser introducí na
1971 na Aruba. E ta un com-
posicion di cual su letterman
ta dedicá na carnaval. □



Aruba Carnival Queen Election - 1965



**FORMOSA
SUPERMARKET**

**Carnaval
di Aruba
Si ta Carnaval**

TEC INC.

THE EIGHTH CONTINENT, INC.
IMPORT & EXPORT

**Carnaval di Aruba
Si ta Carnaval**